

重刻來瞿唐先生日錄

來瞿唐先生日錄

悟山稿目錄

題懷梓依蘭卷

登天元寺

登石佛寺

長歌

了生死

獨立

錦城歌贈從弟文進赴成都試

誰人

寄朱誠齋

行路難

過吳氏舊莊

荅陳近夫

贈謝郡博

林明府載酒枉山中倉卒缺款詩以謝之

竹舍

聞楊崑洲少叅訃

四首

雜古

與丁任夫劇飲

針

赤甲行

村居

一首

有客

二首

荅陳近夫

二首

雜興

四首

梅軒歌

贈古養吾

寄贈汪大池

二首

荅范羅崗兵憲

一首

寄楊鑑谷千憲

聞彼篇

盡

戲題李子垣禪師草庵歌

王似泉下第見訪

聞王我齋遷轉

看花篇

荅人

與歸雲寺和尚

贈溫崇峯

同邪淺庵推府王葵軒莊岐崗二明府古民部遊

蟠龍洞得雨字

二十韻

我有半輪月

衡門

病后禁酒午日默坐

一首

時事有感寄林明府一笑

一首

酬李鍊石

荅楊少臺

憶昔行哭荀麟洲僉憲

七夕辭

問岑公

寄李明府

吊全思

贈別莊少岐

太白山堂成

荅李獅崗

張北村卜居岑宮用蘇子瞻移居白鶴峯韻奉

贈

無才

羅浮高贈郭夢菊

孫大巡賜扁呂明府催謝詩以荅之

野望

一首

贈徐我山

煮菜

前峯歌



觀基

秋

壽李順庵

二首

對酒

四首

隣翁

浩歌

呂南湖令長自下車來僕以多病尚缺展拜雪中  
偶惠嘉儀且欲見枉詩以酬之

雪中留別東峯山人

白崖道中

讀書

學忙

秋風

有吟

無吟

周松臺下第

拙軒

來瞿唐先生日錄

悟山稿

題懷梓依蘭卷

慷慨相逢劒氣丹詩成月白井梧寒  
江山海內誰懷梓樽酒天涯幾倚蘭  
南去兒童迎竹馬北來禁樹遶闌竿  
古今寰宇皆兄弟自是人間不肯看

登天元寺

髻髮亦自疑漠漠此勵勉今日登此堂  
蕊宮半荆棘怪爾齧藤鼠黑白交追逼  
苾芻多佻儻鷗鷺如蜩蛸時有採樵人  
臥此碑中墨日穿金粟影參差舊蘿芳

山川騰紫翠合沓亦奇特胡爲乎濩落令我心惻惻  
炎火吾所慕方車不可陟睡兀髀肉生翻爲山鬼識  
笑爾方平子勸我侑厨食鳳皇集梧桐高崗多劣削  
豈不願人間羞與黃雀息前有嶺如削諸峰馬爭駭  
好開黃精圃白日生羽翼歸飛雲漢間祥雲觀五色

登石佛寺

暘暑欲無聊幽堂偶見招秋潭沉窅窅太白鬱岩髯  
寺傍孤根石溪橫獨木橋龍蛇蟠殿古煙霧接天迢  
迎送蒼髯管浮休白日消興清鳴磬寂望遠渡杯遙

縱目重登榭除煩不係瓢素絃彈買島黃耳摘參寥  
邂逅題崖穴留連坐斗極林塘如姓魏刀筆更聞堯  
几席緣風口壺觴對野樵開襟隨唼館觸熱過山椒  
長歌

君不見東隣小兒誇敏慧手抱琅玕去謁帝中拜太  
子舍人時頭角未完剛四歲又不見西隣老翁九十  
九兩鬢鬢鬚雪蒙首鋏杖蒲輪入郾城翠甕珍盤方  
適口早者何早遲何遲早者非黠遲非痴世間不獨  
人如此欲上蒼蒼問所之一陽嶰谷方吹籥玄枵尚

未交寒鑰江梅忽爾出墻東  
婢約居然先聳壑及至  
菊開則不然迂踈澹泊任留連  
自春經夏衆芳歇方  
斟玉露結金團逋仙乘馬追風驟  
靖節之車瞠乎後  
二賢假令坐一堂更倩誰人分左右  
勸君看花莫厭  
遲鬢髮空催十丈絲  
春風秋月如無恙  
菊蘂梅鈿自  
有時

了生歎

歎字如滄海人生水  
潏潏溪河有大小  
俱欲赴其間  
誰挽謝電波逆行至于山  
生字如布經富貴布之梭

南去與北來手足俱奔波及爾布織成尺寸苦不多  
生歟卽晝夜斯道日中天晝夜有晦明天地之當然  
我能盡其道千古猶光圓人能知此理便能了生歟  
獨立

獨立滄江遠。回看孤嶼清。綠苔團竹徑。黃葉送蟬聲。  
世豈疎儒術。人多戀利名。鳳皇如欲出。依舊向陽鳴。  
錦城歌贈從弟文進赴成都試

峨嵋秋月涼于水。錦里絃歌滿人耳。濯錦橋頭立馬  
看芙蓉。縹緲開羅綺。我曾乘興百花遊。眼底乾坤到

十洲珠林琪樹猶迷目屈指于今二十秋丈夫功名  
須脫洒將鬚莫令居人下題橋之子何軒昂歸日蕭  
蕭馳四馬爾姿如玉尚少年春日桃華出水蓮欲于  
天上陳三策須向舟中擊一鞭我今行年不爾若雙  
親白髮垂千鶴戀此斑斕五色衣乾坤俯仰成寥廓  
此行爾莫漫逡巡揮戈駐景亦由人自古文章多傲  
命梓里雲山盡是春錦城歌聲壯一聲裂石秋相  
望

誰人



誰人太硯砭築室傍嵯嵒地繞龍蛇窟墻依翡翠巢  
野雲流石髓踈雨淨仙茅一片泉如雪當年擬虎跑

寄朱誠齋

四首

不見誠齋久。因風寄數行。歲時天轉熱。夢寐我思長。  
宿雨生叢棘。晴林有閨楊。烹龜無底事。漫說及枯桑。

其二

患難尋常事淹留翻可憐眼中皆是地頭上豈無天  
飲啄且成數崎嶇豈偶然自思還自笑不必泪長懸

其三

其四

逆旅琴尊少空山音信遲  
交情廷尉識世故塞翁知  
集蓼心長苦閱牆事可悲  
古人求自是此外復何爲

其五

五月生陰雨千山滴薜蘿  
鳴蛙長到徑野水欲成河  
泄柳門頻閉茂陵病更多  
相思空悵望無奈故人何

行路難

古行路難太涉愁苦作此反之便寄與譚敬  
所侍御左遷

君不見花發凌煙閣前日上花枝今日辭花籜又不  
見柳拂銅雀臺既許秋風落還許春風開一開一落  
人何有千愁萬愁一杯酒朝還着綺羅莫卽填培塿  
芻狗哭土龍土龍哭芻狗行路難行路難行路之難  
有如此嗟爾世心原不灰幾人幾人買丹砂依然去  
駕黃壚車回首回首種祇樹天花迸空無着足無着  
足無着足人間信有難行路舉世難行絕往來嗟爾  
欲行之人亦將爲之何哉我有兩腳輕于灰不怕羊  
腸鳥道七盤九折之崔嵬東西南北縱所如未嘗臨

路浪生哀朝朝莫莫雲霄上幾度崑崙縣圃來崑崙  
有路分南北竭來盡是尋真客只緣世上行路難烏  
語長啼行不得路入南兮雷甸甸十二樓臺侵水晶  
步余馬兮紉杜蘅持玉簡兮朝太清叫九嶷之舜英  
日域日躋莫昇平喜起喜起瘳復瘳路入北兮石泠  
冷煙霞盤護桃花井一剡瓊漿步紫靈長與天地爭  
久永霓吾衣裳兮海日靜琴吾素月兮萬籟省下視  
紅塵如葉綆天生我才信不多登巢杯蠡時非他仰  
天白日自吟哦此身不受一塵染任爾世路之南之

北或長或短或大或小或險或易或得或喪之風波  
吾何爲兮而女嬃而靈氛而慎竈欲行不行翻嗟跼  
手提玉龍欺素娥蛇遊孤立空過峻世路世路將予  
何怪爾浮休子不信周道平于水終日兀坐愁城裏  
生前縱跨黃金印歟后空成雛眉鬼行路難行路難  
侑爾歌加爾食鳳皇不啄人間粟八埏九野何地無  
琅玕莫將行路起長嘆

過吳氏舊莊

策馬驅危蹬題詩問落霞顏園團野竹細雨濕殘花

山水疑前日。崔盧非舊家。誰言千載後。渤海變桑麻。  
荅陳遠夫

閒來無事或臨流。爲弄溪山月一鉤。自是磬聲驚荷  
蕢。不關花鳥傲王侯。

贈謝郡博

一秋雨滴石淙莊。兩度書曾君子堂。逸鳳久知連北  
阮。乘龍不識卽東牀。鄴江入夢鄉音近。苜蓿盈盤道  
味長。閒對郗林看世德。家雞野鷲墨花香。

林明府載酒枉山中。倉卒缺款詩以謝之。

野鶴踈雲淡浦沙盤餐市味隔蒹葭逍遙久飽元修  
菜愷悌新添宋就瓜豈有經綸驚薄海多應松菊到  
貧家懽呼幸賸滄洲興鷗鷺鷺駮蒼客綱

竹舍

自任苔蘚自掃塵有時搔首有時巾野花啼鳥無人  
管都入先生一部春

聞楊崑洲少叅計

四首

宦海愁邊夢生涯掌上卮故人今若此吾道復何之  
秋雨留連日關河滴淚時寄情彈別鶴哀調不成絲

其二

江夏思楊震平臺問范滂百年歸皓首萬事屬黃梁  
風雨生芻蕘乾坤宿草長曹蜍知尚健未死卽下羊

其三

往者遊京國兼之晤達泉把杯成一笑計別未三年  
交誼延陵劍相思叔夜絃詩成無處遞灑涕向寒牋

其四

騶從飛黃蓋精英入紫垣尚平婚未畢元直母猶存  
水落秋容慘鳥啼野日昏靈均門下客誰與賦招魂



雜言

莫道三伏中終朝只穿葛雨餘生晚涼須換綿衣著  
與丁任夫劇飲

春風吹山山欲裂一點落花一點血真血耗散春容  
摧黃金難買朱顏客朱顏朱顏欲住時劫灰無柰擊  
玻璃玉液金脂不盡醉吞龜潭鳳欲何爲銀光之子  
莫趨趨爲爾琢句開睜睜歲星一夕化爲人腐落肯  
甘同草木綠蚰不得遊帝都白駒終自聞空谷舉頭  
一望天地寬何須手抱青萍哭笑爾百戰刀剪禿長

恨鮎魚不緣竹醑爾一杯酒將爾愁腸傾萬斛我有  
逍遙不歿之神術清風爲我車明月爲我轂青天白  
日騎黃鵠千年萬年瞿唐子此生已知逍遙不歿矣  
縱歿亦必化詩仙不似愁人登鬼錄

### 針

憐爾孤標直鋒鋌闢雪霜磨礱知出處布帛見文章  
天上君王袞堂前慈母裳雙雙未補報一線抵天長

### 赤甲行

赤甲秋風一夜饒百卉芳歇梧桐彫美人別後隔山

椒蒹葭秋水天共遙欲往無從路無船星漢西流  
迢迢尺書恨不寄明朝鸞翼一去不可招西飛白日  
馬鑣鑣流光轉盼又玄枵援琴鳴絃寫寂寥一曲相  
思不成調空憶當年舊板橋

村居

二首

野服黃冠對竹根雞聲雀語送朝昏有田只種陶潛  
秫無事常關泄柳門白石鳥來留篆迹青溪雨過帶  
潮痕蒲團纔到忘言處又被鷓鴣叩釣綸

石屋藤床傍釣沙綠綺白雪斷龍蛇春風夜月迎牕

草尊酒茅簷向日花。王烈無官知愛石。邵平有客暫  
需瓜。朱旆刺史頻來往。疑是西湖處士家。

有客 二首

窈窕青山歲已更。忘機處處有鷗盟。一溪流水源頭  
活。半榻清風戶牖明。共喜陳蕃能下士。誰知李密欲  
陳情。焦桐幾度希聲處。雲自無心鳥自鳴。

露滴雲流淨石淙。野猿幽鳥亦春容。當簷花撲仙人  
几。隔澗霞封隱者松。歲月漸隨芝草長。道情常共酒  
杯醲。東京有客來相訪。家住夔州十二峰。

荅陳近夫

三首

浪說長安路不多。舊時都入葛藤窩。  
行來行去頭將白。依舊還從葱嶺過。

南去波濤千尺深。北來車馬萬山平。  
人人都爲風帆利。不向輕車熟道行。

月下金鈎倒欲垂。千門萬戶正開時。  
此中水火能生活。便是崑崙第一枝。

雜興

四首

秋風夜怒號。蕭殺如斤斧。  
蟬蛩最可憐。噉噉聲何苦。

人生天地間。來往成今古。翩翩一小兒。黃髮已可數。  
夜臺幽且深。朱黻亦何補。

其二

山前食熊趾。山後食蕨薇。熊趾食之飽。蕨薇食之饑。  
饑者身常瘠。飽者身常肥。瘠者壽千歲。肥者七十稀。

其三

西方有懷人。一隔千萬里。秋深欲寄書。托此江中鯉。  
三年不反命。感嘆中夜起。今夕尺書來。令我陶然喜。  
長跪讀尺書。琳琅滿人耳。念我無遐心。故人猶如此。

先名囁嚅翁近名浮休子

其四

鬱鬱山上松虬枝何嫋嫋根盤一萬里萬木俱卑眇  
宗工取良材車馬長安道笑彼薜榮華發光何太早  
朝還滋剪裁莫卽同靡草我曾上崑崙煙客多縹緲  
層城爲園囿弱水爲池沼種彼十圍木食之百年飽  
花非開千年結實居然小寄與山中人百事須難老  
大才原晚成驟得非良寶

梅軒歌

寄辰溪吳明府

江雲夜落豆稽小天花亂墜靈山巧瓊崖瑤璋互續  
紛琪樹珠林相縹緲玄雲青女抱持來欺霜凌雪立  
蒼苔一夜東風吹石裂百花不敢先春開吳侯自小  
負奇節高標與爾同皎潔臨風對雪厥孤軒幽谷晴  
櫺兩奇絕神遊我昔泛花津倏然倒着白綸巾踈影  
樓臺銜暮色世上徐熙浪寫真大庾直接蓬壺境長  
往令人發深省群真向夕擊波鰲羽服編車環佩冷  
此軒不見又經秋洞庭青草江悠悠踏雪披蓑尋不  
得幾迴夢裏到羅浮丈夫行藏須縛約手抱青萍人



宇廓調羹鼎，萬事之常莫。把明珠投暗，雀梅根日久。  
自葉葉應同辰水，變丹沙知君此去。成仙令，翻笑孤山  
處士家。

贈古養吾

一曲陽春調，轉嘉宮商。俄爾人煙霞，原來冀北生騏  
驎。自是邠林長，桂華寺靜樓臺，侵霧樹月高，燈火對  
汀沙。明年濯錦秋風發，銀漢津頭有斗槎。

朱少府曾許枉太白山堂，乃遣人惠巾并扇，寄  
之以詩。

三首

昔日克城去。曾云過草堂。豈知翻厚貺。今復枉踈狂。  
遇雨先須折。乘風且奉揚。菊花秋露白。不共故人嘗。

其二

聞爾清操甚。官衙亦冷然。將簪長當米。沽酒每賒錢。  
羊續魚猶在。時苗犢可牽。好來看魚犢。吟弄共留連。

其三

秋雨濛濛落。秋山處處登。君應同野鶴。我亦似孤僧。  
客到尋常飯。閒居紙竹燈。白雲長繞榻。得酒卽飛騰。

寄贈汪大池

二首

水北山南春復春夢中長是爲傳神吟邊拉客張標

酒

蜀酒名

醉裏看花拆角巾兩地共鉤江上月十年

岐路馬頭塵誰言高士今成傳髮白猶聞起渭濱

草滿虛田花滿枝百年心事白雲知方思東岱南衡  
日剛畢男婚女嫁時蘇晉有絲皆繡佛浪仙無寺不  
題詩蒲團贏得團樂話字字驚人句句奇

荅 范羅岡兵憲

二首

燕社淹梅雨魚書忽草堂開槭如面命捧讀憶台光  
月入咸京古雲連漢疇長南山詩更麗煙水隔蒼茫

其二

舊負澄清志新收破膽歌  
惠風方偃草涵水盡恬波  
楚蜀煙嵐接獠夷出沒多  
攬捨猶憶昔十載未停戈

寄楊鑑谷僉憲

時姪堯亦宦滇

昔別美人兮北風颭颭今思美人兮滇海悠悠  
海中碧雞飛天表銀漢一聲江浦曉長風搖曳捲玻瓈  
回看島嶼杯螺小有時旌節駐層城坐令長虹海角生  
三千弱水蒼茫外月明何處有笙聲此境人間不常有  
暫時歡娛亦非偶欲往從之隔世寰空令秋風成

白首有姪有姪海之陽二年不見我思長剪碎青霞  
爲詩章因風吹到美人傍此中荷葉大于航我欲取  
之爲衣裳何時走送我山房欲來不來遙相望

聞彼篇

聞彼焦山中往往求仙客衆客事拮据一客獨蕭索  
結髮坐林巒嚶嚶長檐怕偶爾太清君請此相朝夕  
叩彼丹沙事掉頭翻嘆嘆止授一木鑽石盤則五尺  
木若鑽盤穿輕風鞞兩腋領命過歸思反覆多驚悵  
木柔石則剛此理信匪易終朝事鑽研最負常蹢躅

衆若笑彼痴彼功終不射有時木或盡逡巡繼杞棘  
心與石同堅妄以木俱息一年復一年石薄如皮革  
鴻洞倏爾穿霄然天門闢宮闕高龍窈別有乾坤宅  
滿地凝水晶輝映雲霞碧身方到帝前名已註仙籍  
鞭風駕雷霆無往不可適苦樂相因仍屈伸不獨蚺  
有恒通神明積久貫金石回視前石盤明瑩珊瑚赤

盡

王正郎宅

亂石粘山山欲飛白雲芳草長山衣一派銀冰落樹  
杪萬里煙波咫尺微中有幽人坐山足棕鞋桐帽掛

孤樹來時似有霧沾衣坐久不知將日暮  
厓根老樹枝半枯野雀枝間隔葉呼呼時  
似識幽人意好侍山泉月一梳平生愛山  
看卽飽試鑿閬風空自好王維畫裏勝槩  
多令我幽思筆如掃

戲題李子堽禪師草庵歌

鐵鞋踏破緇塵路眼前宝筏無人渡  
難將空手見空王蕭條且向山巔住  
山巔四顧盡煙嵐五禪暫學繭中蠶  
割霧誅雲圖了快李子仍成白石庵  
庵中日日食荒薺杖敲破甑原無底  
五牛一日牧山頭四方齊

送盤陀米古來佛殿多不靈羅轂空將掩雀瓶雞園  
處處迷秋草不管樓臺散落星我住庵庵住我有時  
庵破也亦可千枝松影逐溪東六櫺長爲頑雲鎖假  
令狂蜂逐紙白化鶴之見成螺贏也不禮佛也不修  
心浪說披沙去揀金朝朝莫莫庵中尋瞿唐道人亦  
知音長抱無絃自在琴幾欲抱琴訪鹿刹猶恐山中  
石頭滑墨花亂酒草庵歌因風吹送鳥之窠鳥窠鳥  
窠草庵能作佛瓦殿定成魔試將一轉語來寄白鷗  
衰翠竹黃花滿地多當面爾若不能見草庵草庵柰



爾何

王似泉下第見訪

有序

天遠憐疲馬春殘惜落花風塵妾薄命富貴浪陶沙  
竹影侵池薄雲容靄樹斜且乾鸚鵡蓋莫羨漢江槎  
昔劉禹錫題浪陶沙云日照澄洲江霧開陶金女  
伴滿江隈美人首飾侯王印盡是沙中浪底來白  
居易題云隨波逐浪到天涯遷客生還有幾家却  
到帝鄉重富貴請君莫忘浪陶沙予之句蓋本于  
此因王問及浪陶沙之句故又以昔人二詩足之

言功名富貴不可驟至必勤苦也予非輕引人以退者

聞我齋遷轉

江水下揚瀾人歌蜀道難從來千里翮肯向一枝安  
宇宙馮驩缺芝蘭貢禹冠看君振文鐸斗氣轉芒寒  
有花篇

洛陽橋上春如織千枝萬枝鋪紅罨鶴林神女舞霓裳  
幾度徐熙畫不得看花之人何續紛不識春光在  
頃刻不識不識亦可憐千古已后萬古已前鳶飛于

淵魚躍于天千鈞空挽六螭鬚髮白面皺轉相牽南  
山峨峨石壘壘天風吹爾作海水孔子孟軻生一遭  
錢鏐喬松萬遍歎假令不得其中意再生萬遍亦如  
此跋鳥白日啄人髓鑿石得火倏忽爾歸來乎歸來  
乎山有蕨水有蓴窮鬼笑錢神錢神笑窮鬼

### 荅人

十年不出孫明復一榻頻穿管幼安我欲溪中釣明  
月肯將鈎餌與人看

### 與歸雲寺和尚

畏冷重添破衲頭。幻心原不論春秋。溪蔬煮罷無多事，獨木橋邊看水流。

贈溫崇峰

城下薰風捲玉荷。城邊有客隔松蘿。欲看三峽蛟人勝，便駕千金范蠡船。鄉思關心歸夢遠，湖山入望畫圖多。何時共約馮飛練，爛醉仙人踏踏歌。

寄莊岐岡郡丞

蟠龍山下牽裾別。灩預堆前使者還。自后杳然無一字，于今宛若隔三年。天寒松子催鸚鵡，春盡榆條怨

杜鵑惟有其棠亭上日風清夜夜向人圓

荅贈汪大池大池曾爲母不仕捐宅學中

自把珊瑚閱歲華詩來多半帶煙霞陳情李密應思  
國捐宅希文不爲家笑我長年歌澳竹懷君幾度賦  
蒹葭吟成獨立空相憶撲筆挑燈拂劍花

同邢淺菴推府王葵軒莊岐岡二明府古民部  
遊蟠龍洞得雨字三十韻

諸峰羅兒孫一峰挿岫巘古湫山之窩雙壁鑿斤斧  
沉沉牛渚磯靈怪蟠水府中有沙羅奇琤琮佩碧乳

齟齬墜青錦蹲踞如放舞涵水相紛颺饑蛟吞渴虎  
九龍來瀑布萬壑擊雷鼓地媪澆醴泉醉此梁州土  
諸山盡醺醺不知有天寓乃知天子郭先后爭步武  
鄉人憂旱鉢鉸罐時偷雨豈知人心靈應響如連弩  
耳夢古老言仙客煉藥金一朝帝有詔拜下頭角無  
意者巢許輩啁嚻開花塢依山巢雲松種藥傍水潄  
槎牙萬疊峰朝夕成賓主一朝隨化迸謁來同啄腐  
爲人復爲龍事亦近蒿邁髣髴李八百空塞入仙譜  
緣鵠飾玉輦好事成亥魯偶來登此山春花調建莆

二三遊宦客暫解龜魚組與水淨煩襟一洗塵器腑  
乘醉弄潺湲出洞卽今古安待駕飛車減轂入天姥  
更有脩脩興走筆愧鸚鵡幸爾坡仙在却爲徐凝補  
我有半輪月

我有半輪月摘之自峨眉從我江南遊長伴江之湄  
今日歸來北牕臥剪碎清光掛我帷有時清光還入  
夢八荒寥廓天如洞瓊樓玉宇空崔嵬滿地水晶塵  
不動下土車馬聲如雷巴西來矣鮮手攀腳踏應無  
路亦何自而來哉豈是撥雲披霧天重開九關虎豹

吼喝自虺虺須臾須臾毛骨化于灰恍然輕舉入三  
台寤時不覺來矣鮮只覺前月半輪升山巘

### 衡門

裊裊嵐光作翠淮。青青松葉覆蒼苔。鳥從白石橋邊  
度。花趁黃梅雨後開。麗句暫吟玄鶴舞。衡門欲閉故  
人來。夢中擬在磻溪上。修竹千竿一釣臺。

### 病后禁酒午日默坐

二首

世已慚無補。詩如簡可呼。三年思舊艾。萬事泛新蒲。  
竹密溪塘靜。身閒筆硯孤。惟將逍散意。銖兩博榮枯。



其二

青憐秧上雨黃入隴頭枝杜甫宮衣夢陶潛止酒詩  
水流松徑淺鷗度泖湖遲隱几無言意長思南郭基  
時事有感寄林明府一笑

二首

寥落幽居稱素心百年麋鹿臥長林石牀藤屋堆千  
卷蘿月松風抵萬金自古救人須井上看誰避暑仗  
蓬陰綠綺雖在無絃人空負隣家借好音

江上紅波雜素濤可憐明府察秋毫當機恍惚將投  
杼迎刃從容始見刀鐵笛三湘心未償金書五岳興

長豪笑來翻遣堅前約對雨挑燈誦木樨

酬李鐵石

小時誤吞五色鳥手拂青羅歸海島赤繩裊嫋縛麒麟  
鱗金窖陸離堆礪蟠桃鞭落九花虬紅塵不動春  
風掃龍翔鳳舞客卿狂撐霆裂日尖奴剛嫺皇輟補  
崑崙石斗間紫氣怨琳琅摘卉搜春沉大雅綺羅人  
語風斯下東武鷄雞何寥寥亦有承間造乏者近日  
只彈無心絃三峽流泉如棄瓦孤園誰寄八師經翻  
于櫓稭長螟蛉寄去衡山風懶瓚莫將螭豹雜鼯鼯

荅楊少臺

峽之水悠悠我有美人兮灩澦洲之石齒齒我思  
美人亦如此美人別后卽天涯塵寰一隔掛青霞我  
欲剪霞爲爾佩遙看玉珥夜生花陸離燦爛中天起  
化作蛟龍度燕水忘機之子何寥寥寒竿不吹今久  
矣春風一夜飛尺書琳瑯滿目病將踈何以報之虬  
松珠洲前應得看蟾蜍

憶昔行哭苟麟洲僉憲

太峨之子前坡仙抽黃對白筆如椽聳壑昂霄剛十

七錦裏看花最少年綠袍已掛新郎早雲機更美天  
孫巧詣闕上書還浣花乘龍仙子歸蓬島銀漢橋頭  
孔雀嬌鳳凰樓上笙篴小佳人才子照春燈素娥青  
桂相看少雙雙總轡扶桑巔風流文采共翩翩珠明  
玉潤原相媚苑柳宮花色正妍笑我迂遲幽并久多  
君相知又相厚青州屢賞白雲篇每投桃李報瓊玖  
四海風塵各西東十年意氣還杯酒子方持節武昌  
時于時供帳都門柳栢府人從天上來鄂渚陡然洗  
塵垢孰知湖邊一夜霜曉蘭方瘁琴隨亡猶憐伯道

無兒日元直老母正高堂黃牛白馬波濤惡蕙帷回  
首人蕭索浮雲自古妬冰輪花開莫遣常離籜思爾  
空作憶昔行西風木葉紛紛落

### 七夕辭

伏羲一畫洪濛破太和元氣相環磨春到鶻鷃啄樵  
時駟星每每催耕作周道依微杼軸空耕夫半挽征  
人弓中原白日排鵝鸛道上相逢問七雄帝憫下土  
盡肝腦滿目攬搶何處掃欲得四海盡昇平惟有男  
耕女織好河東美人事杼機千幅萬幅雲霞衣織手

龍梭歸碧落月滿蟾蜍露未晞河西牽牛耕銀浦鉏  
犁朝夕天潢土耕罷蓑衣掛扶桑橫吹短笛槌河鼓  
雙雙作苦亦可憐羲和封奏帝之前帝命東西詣伉  
儷赴此秋清秋月圓是時銀河不可步眼前隔斷河  
之路靈鵲報喜是生涯役毛編作鴛鴦渡年年無句  
敲長秋相逢相別各夷猶舉案只隨天地老翻笑人  
間咏白頭從此八埏盡耕織誅求寂寂豐衣食玉露  
金風送虎貓朱綠玄黃忘帝力偃旗韜刃海無波天  
下不復用干戈竹馬兒童齊拍手歲歲春風擊壤歌

問岑公

寄李明府

峨眉玉壘東復東翠屏巖壁橫青葱上有江瑯碎月  
刺蒼穹煙華霧萼輝腫隴下有合巖混濇繞鮫宮直  
與天潢渤澥一氣通洞中仙人名岑公揖金拜木坐  
昏蒙三十六鱗何者紅有日騎飛訪渥漚左驂滕六  
右驂虹后驅列缺前豐隆潢姑渚畔洗腸空曾遣婉  
陵華約我同歸山之中今夕何夕鶴生蔭乘風載筆  
來問爾初平一去白羊久燭皇五色化于水王母蟠  
桃東不開六鰲折足空飛隨岑公岑公爾不歸今將

奈何紅塵赤日隔煙蘿黃牛波旋惡赤甲楓楠多彈  
我青萍侑爾歌爾不歸今將爾何青蓮道士風流客  
派出桃源自高格回咳唾于鏗金速珠璣于裂帛求  
勾漏之丹沙翻冠裳之逼迫不須再訪已往之羽化  
叫空山之蕭索寰中我亦謫仙人何時來子載詩一  
車李子携酒一石鞭鸞撻鳳共登岑仙之舊宅醉后  
却把驚人綺句問青天長嘯一聲江月白

吊全思亭

已矣于今憶昔朝揮毫搔首自飄蕭春風同路燕關



雪夜雨曾穿易水橋三伏漸生原上草百年回首夢  
中蕉踟躕欲作哀時賦落日層城起野燒

贈別莊少岐

良會能有幾行裝遽在茲青山忙裏過白日醉中馳  
召伯修行后胡威跪問時河陽花豈約彭澤柳如知  
寶劍雙龍舞長風一鷄隨躋攀從鳥度徒倚看雲移  
水溢劉郎浦江深白帝祠三都雄勝濶七澤莫煙瀾  
郭璞岷江賦謫仙蜀道詞問奇停棹久懷古放船遲  
海宇多萍梗河梁此別離嵩山不可見明月問前期

太白山堂成 四首

茅屋嚴朱明春風到杜蘅松應尋竹友酒或是詩兄  
陟巘憑空遠臨流獨濯清大猶機事少不論結鷗盟

其二

月入罽罽榻風清皞皞窩

山下二堂揚大理名其左者罽罽榻右者爲皞皞窩

鳥花成富貴禮樂自丘軻兀坐忘人象論文或客過  
枯桐如手滑隨意足高歌

其三

誰是人間樂誰爲世上閒閒非宮室好樂是水山間

欲下金牛手。須先見豹斑。蠲廬與斗舍。到處可尋顏。  
其四

松老蟠虬鐵篁幽。覆甍區廣居無定宅。安樂卽康衢。  
與我二三子。乘風南北隅。條然多揖讓。白日見唐虞。  
送李獅子岡

何年與爾同題雪。此夕挑燈更對床。玄鬚無言知歲月。  
青蚨有暇管炎涼。水邊樓閣搖湓浦。天外帆檣跨  
呂梁。行矣風波須自重。北雲南樹各蒼蒼。

張北村卜居岑公用蘇子瞻移居白鶴峰韻奉

贈

何人持斧斤鑿此江阜  
麗紫電排虛牖流月山泉細  
岑公煉丹砂鶴駕曾此逝  
我今千載后誅茅聊一憇  
桴鼓王門瑟漫作任竿計  
都歷連巫陽宛若芙蓉砌  
澄江斗熨平葱蒨映螺髻  
俛仰天地間萬物真委蛻  
頃來稅塵銜初服宜薜荔  
緬想蘇子瞻灰劫觀此世  
結構白鶴峰飄飄托雲際  
金張高甲館于今等醯螬

無才

人不我追今人不我隨  
無才能出世有酒可澆詩

月照垂江閣花開向北枝  
惟將花月味飽嚼蒼清時  
羅浮高贈郭夢菊

君不見海水生塵化爲石  
盤礴凌霄十萬尺仙人石  
上有真居正當碧落中  
分春却恨蓬萊道阻修  
仙人兩地各夷猶酒酣  
白日吐陽侯手折扶桑  
鞭海虬盡驅海丁如驅  
輶海歆波立蓬萊浮一夜  
飛來相綢繆兩山合後  
羅浮之高更嵯嶢不可及  
今俯視三江五岳如浮漚  
珠林掩映青霞樓今雲古  
雪團丹丘上有龍公之竹  
掠星鬣斗風颼颼九苞枝  
上鳴琅球下有

銀河之水鍊橋流。濺沫瀟湘七澤秋。仙人日向鑊橋  
遊。坐見金烏浴海火。輪浮有時騎鶴止。金烏金烏不  
肯留。兩翅扇海朝吞夕。吐相奔仇我曾觀。潮夢輕舉  
腳踏雙虹臂。六羽朱明豁然廠。八荒群仙四坐成。環  
堵意中有仙似。姓陶瑤纓璐佩翠雲袍。授我青鳥篆  
餐我白鳳膏。歌我雲和詞。醉我瓊醪。約我三千年  
之後。同遊四百三十二之靈壑。紅翠一聲海月高。須  
臾轉盼止。見青煙白霧相蕭騷。孰知群真更有傑。直  
與羅浮爭巖嶠。袖中半函烏玉玦。束以胡繩韜彩纈。

偶向江頭洒青雪九寰盡散琳瑯屑我忽見之五情  
熱駕電蒲梢剛一瞥王母蟠桃今幾開鶴馭仍飛赤  
甲來俄頃春還草木亥榴花盡織雲錦堆輕風有日  
送三台玉爐金掌映鸞臺左夔右稷兩驂陪始知漁  
陽會稽之數子者已不足伍區區葛洪軒轅矜黃闢  
白之小兒又何足道哉我生好奇肆探討地肺天孫  
心未了盧敖不得遊太清紅塵去住傷懷抱羅浮高  
可仰兮不可卽今將鬚何日巢雲間左弄奇石之煙  
霞右拾花首之瑤草羅浮高柰之何自拂青萍自放

歌

孫代巡賜扁呂明府催謝詩以荅之

十載方將一戒成滿園松菊戒時生而今若爲霜威  
破草木焉知不笑人

野望

二首

野望峰巒濶吟成屐足遲孤僧奔乍雨群鳥度幽池  
欲往隨枯杖從來不皺眉自看冬自得不是苦敲詩  
其二

遠屋依岡阜沿溪長杜蘅前峰披霧出社鼓隔村鳴



久矣成殘朽無緣答

聖明自知還自愧不是厭逢迎

贈徐我山

一官萬疊劔門關又向瞿唐灩澦還豈爲功名能適  
意祇緣甘旨暫開顏扁舟東下秋應杪宦轍西來髮  
未斑不識南州今幾葉清風我亦愧追攀

煮菜

短摘緣多客鮮烹爲解醒不忘松火惡仍以瓦盆盛  
慷慨輸投筆年華去請纓惟看川上水日夜赴滄瀛

前峰歌 壽高前峰高諱友曾任枝江辭祿枝  
人至今誦其清節時壽八十有六

玉壘山高高入天阿耨驅車不敢先萬壑寒流飛琥  
珀一峰硯碑山之前峰前草堂大于斗山人住此亦  
已久白雲無心任往來有時逐雲到溪口脩脩四壁  
掛藤蘿蒼苔鹿迹偶經過手把珊瑚長自笑笑爾天  
地如予何小時掛冠不受祿秋水蒹葭對首宿湖邊  
清節重于山桃李霏霏共湘竹當年磊磊何太奇玉  
珥同看尚陸離而今一笑成陳迹誰信青山有紫芝

紫芝紫芝亦神物不似人間煙火粟山人餌之今幾  
年頃令紅顏生綠玉十洲我亦長生仙謫入人間四  
十年常向峰前弄煙水兩人相對山花然我有一杯  
長生酒欲往贈君恐君有仙人自古心情淡不似人  
間報瓊玖因風吹送前峰舜一曲高歌萬物卑宇宙  
此峰如不老願君與之齊壽考

觀棋

逐馬驅車着着爭滿腔心事不寬平將輸偶或贏殘  
局得勝猶妨伏暗兵兩路風雲齊入會一時喜怒各

殊情眼前戰聞真兒戲。惟有樵夫看得清。

秋

日月成何事江山信已秋。住來依塞馬用舍見韓牛。  
地僻人應少詩清宅更幽。水禽如有意時過蓼花洲。

壽李順菴

二首

綺席芹池殿。清秋夜氣涼。百年頭尚黑。九月菊初黃。  
壽以青氍毹。永名因紫電。彰霞觴成一。笑衿帶滿宮牆。

其二

地遠心常邈。時違禮尚存。因詩思斗酒。慕道憶龍門。

人隔梅花塢名傳杜若村何當操几杖燈下話沙鷗

對酒 四首

對酒眠芳草將詩惜白駒桐花開次第松子落斯須  
賈誼終歸速馮唐不是迂寧彈流水調莫浪學吳歛

其二

地幽春水淨花發夕陽遲三畝盧仝宅千篇謝朓詩  
群鷗歸碧樹獨鶴下青池無限江湖事留連到幾時

其三

屏跡詩成癖尋虛學近禪曲溪蟠瘦石白屋厭朱絃

宣甫思浮海韓琦欲捧天天高兼海濶何地可投玄

其四

漉酒陶元亮披蓑張志和古心惟止此今日欲如何  
黃鳥啼青嶂巴人帶楚歌人心知鳥意興到不須多

隣翁

九十光陰百歲期紅顏猶勝少年時誰言白髮多公  
道看起而今也有私

浩歌

世人往往慕神仙休妻絕粒住山巔金石無辜長考

煉剛于九轉竟茫然某也拔宅某騎鶴某也黃金點  
瓦礫好生惡死人之情頓令婦姑紛六鑿更言方外  
有蓬壺鐵鞋踏破鬚雙枯本欲長生得逍散翻令奔  
馳不得蘇。天地有生必有死。不生不死乖常理。不灰  
之人誰見之。不信眼中空信耳。浪說錢鏗八百多還  
同世上夢南柯。八百之前更可羨。八百之后復如何。  
塵世清閒人最少。盡因富貴生繚繞。不求富貴卽求  
仙。依然白髮成秋草。我不求名不慕仙。一聲浩浩百  
花妍。清風吹我後。明月照我前。想應天上仙人樂。不

過逍遙聽自然。浩歌復浩歌。歌罷抱琴眠。一枕華胥  
夢。還到孔顏邊。朝聞夕死。有何嫌。君不見。祖龍持璧  
終不悟。海舶浮天競欲渡。蓬萊仙子安在哉。黃沙白  
水迷歸路。

呂南湖令長自下車來。僕以多病尚缺。展拜雪  
中。偶惠嘉儀。且欲見枉詩以酬之。

歲晚松篁化素仙。清清長日枕琴眠。偶然使者來三  
徑。正似瑤花下九天。欲戰恐輸蘇軾鐵。有情先放剡  
溪船。相逢未許知何日。對酒還歌白雪篇。



雪中留別東峰山人

敲冰煮雪對東峰  
暖筆圖爐興亦濃  
負郭應無田二頃  
登山肯惜路千重  
眼前臙樹迷征客  
澗外長松掛素龍  
一刻令人成繾綣  
百壺何地更從容

白嵯道中

木落江寒曉日遲  
蒹葭楊柳各離披  
誰從野店來沽酒  
我欲長安去賣詩  
遠水抱村連若斷  
危橋欹石險還夷  
翠微何處一聲笛  
驚起鷓鴣過別枝

讀書

青青一徑栢得雨發華滋抽條過牆東旭日蔭紛披  
秋深雨漸久枝幹生蝌蚪豈無澆灌力好處翻成醜  
歐冶問鶚九此意竟何如鶚九竟不言相對各踟躇  
到處相逢卽學忙忙人憐我授忙方如何一調無絃  
曲又落從容自得鄉

其二

不我忙時我覺痴。覺痴是我學忙時。忙人見我空相  
笑。無柰春風海月知。

其三

幾度將忙學不成一聲鳥喚百花明而今老大難鞭  
策惟信周行自在行

秋風

爲懶茶經熟因閒瑟譜工時清客蹇拙道在任窮通  
殘葉迎霜赤寒花得節紅人生花葉共風至自西東  
有吟

有書富市肆有琴斷稿梧有竹饒萬竿有松近千株  
有山名太白有屋似磨廬有月照前溪有花種南隅

有足不入城有手常操觚有學陋丹砂有言闢蒹蕀  
有詩隨興題有酒任客呼有夢入羲皇有志成丈夫  
誰人憐我無勸我走紅途

無吟

無父舞斑衣無母供春酒無田可負郭無錢足貫朽  
無貌驚王商無舌談空有無友相規勸無師責好醜  
無翅追鴛鴦無藥駐蒲柳無琴抱侯門無裾獻瓊玖  
無營長打眠無才縛赤手無恨幾昇平無愁到白首  
誰人誇我有勸我紅途走

下第

送子瞻

挑燈欲斷腸。滿漉今夜雪。貂破隔年霜。

擊唾心長赤。加餐鬢未蒼。花開無早晚。日至卽商量。

拙軒

爲王少參題

杜甫思深筆如掃。歲拾橡栗常不飽。天寒霧重把長  
鑱。白馬黃牛身已老。李賀少年卽特獨。二十七歲人  
間哭。鰲擲鯨呿字字奇。天東不嚼燭。龍肉怪爾柳柳  
州。乞巧亦何由。晚到愚溪上。抱璞自遨遊。君不見春  
蠶運巧心。獨苦終爲人。間供織組。海鷗無事自忘機。

朝朝莫莫其人飛鳴呼拙之時義亦大矣臨軒作歌  
花撲几